

संदेश



28 जुलाई तल 3 अगस्त, 2021 एवना
शहीद स्मृति सप्ताह किन मानेमायकाल!

जन योद्दालोर किन आमुर हिल्ले

मीवा कुरबानी ता बोझा तुन कांजी,
मीवा आशय तुन पूरा कीसिये रोमीतोम

वर्ग संघर्ष/जनयुद्ध किन देशमेंड तेज वेण्डे विस्तार कीसोरे
दुश्मन ना समाधान-प्रहार हमला किन हरा कियकाल!

(पार्टी ता सब्बे कतार, पीएलजीए ता कमांडरलोर इंका योद्दालोर,
क्रांतिकारी जन निर्माणक, मजदूर, किसानलोर, छात्र-छात्रालोर,
बुद्धिजीविर वेण्डे सब्बे उत्पीड़ित जनता मैदे)

केंद्रीय कमेटी
भारत ता कम्युनिस्ट पार्टी (माओवादी)

शहीदीरा बलिदान आये अन्नो, मीवा नेतुर ता स्फूर्ति संगे मोम्मो मुन्ने दायकोम!

**वर्ग संघर्ष/जनयुद्ध किन देशमेंड तें तेज वेण्डे विस्तार कीसोरे
दुश्मन ता समाधान-प्रहार हमला किन हरा कियकाल!**

जीवाता कामरेडस, जनता!

क्रांतिकारी दिवसकुना संदर्भ ते 28 जुलाई किन विशेष रूप ते नरगे महत्व मंता. इद दिना ते मनल ओर सब्बे शहीदीर किन वेर देश-दुनिया ता उत्पीडित जनताना मुक्ति मैदे तम्मा जीवा तुन कुरबान कित्तोर, किन आदर, सम्मान ता संगे एजा कीसोरे इंका ओरा अधूरा आशय ता स्फूर्ति तुन संकल्प एतकाल. इद संदर्भ ते भारत क्रांति ता महान संस्थापक नेता, इंका शिक्षक, अमर शहीद कॉमरेड चारु मजुमदार इंका कॉमरेड कन्हार्ई चटर्जी, नक्सलबाडी किसान सशस्त्र संघर्ष तल पोयसी इंजे एवना भारत ता नवजनवादी क्रांति, इंका समाजवाद-साम्यवाद समाज तुन स्थापना कियना लक्ष्य ते तम्मा जीवा तुन न्योछावर कित्ता सब्बे शहीदीर, क्रांतिकारी जनता, दुनिया मेंडता क्रांतिकारी आंदोलनकु, राष्ट्रीय मुक्ति आंदोलन ते जीवा इत्ता सब्बे शहीदीर किन मावा केन्द्रीय कमेटी तला वरसी विनम्रतापूर्वक श्रद्धासुमन अर्पित कींता इंका लाल सलाम पेश कींता. संगेने ओरा अधूरा आशय तुन पूरा कियनीक क्रिया कींता. इद साल मेंड ते शहीद अत्ता 160 कामरेडस किन विशेष रूप ते एजा कीसोरे इंका पेद्दीर-पेद्दीर ते श्रद्धाजलि अर्पित कियकाल. वेर सब्बे शहीदीरा एजा ते 28 जुलाई तल 3 अगस्त, 2021 एवना शहीदीरा स्मृति सप्ताह तुन ओरा बलिदान ता स्फूर्ति ता क्रांतिकारी उत्साह संगे मानेमायना इंजि सब्बे पार्टी कतारकु, पीएलजीए बल, क्रांतिकारी जन निर्माणक, मजदूर, किसानलोर, छात्र-लेय्योर, बुद्धिजीविर, सब्बे उत्पीडित वर्गकुना सामाजिक तबका ना जनता किन आह्वान कियामुंता.

वर्ग समाज ता इतिहास लोपा पहली बार शोषक-शासक वर्ग ता सत्ता किन तहकी ऐस्सी सर्वहारा वर्ग ता सत्ता लेक्का स्थापित अत्ता पेरिस कम्यून किन इद साल डेढ सौ साल पूरा अत्ता. अदु सिर्फ 72 दिना एवनाये जीवित मत्ता मति उत्पीडित वर्ग किन विशेषकर मजदूर वर्ग लोपा अपना सत्ता तुन निल्पी कियना आंता इंदना ओण्ड पूना आशा वेण्डे विश्वास किन पुटिट कित्ता. इदेना सबक एती रूस, चीन संगेने दुनिया ता उचुक देशकुने सर्वहारा क्रांतिंग सफल अत्ता वेण्डे समाजवादी व्यवस्थांग ना निर्माण अत्ता. अव क्रांतिंग

कम्युनिस्ट पार्टींग लोपा पुटना संशोधनवाद ता कारण ते हारेमत्ताद मंता मति समाजवाद, साम्यवाद तुन स्थापना कियना लक्ष्य से क्रांतिकारी आंदोलन कुना सिलसिला नेण्ड वेण्डे जारी मंता. पेरिस कम्युन ता 150वीं वर्षगांठ ता इद विशेष संदर्भ ते अदिना स्फूर्ति, प्रेरणा संगे लैस आसि भारत ता जन राज्यसत्ता ता संगठनकु अस्तित्व ते वत्ता क्रांतिकारी जन कमेटींग (रिवोल्यूशनरी पीपुल्स कमेटीज) किन निल्पी कियनीक, मजबूत कियला अविन विस्तार कियनीक अन्नी-मन्नी जीवा इंजि लडेमायकाल. पेरिस कम्यून किन स्थापित कियना लड़ाई लोपा अदिन बचा कियना कोशिश ते वेण्डे अदु हारेमत्ता पेरके फ्रांस ता पूजीपति वर्गकु ताकी कित्ता कत्लेआम लोपा अपुना जीवा पोहता मजदूर नेतालोर, मजदूरलोरकिन इद संदर्भ ते एजा कीसोरे जोहार वेहतकाल.

वर्ग संघर्ष/जनयुद्ध लोपा शहीद आयना साधारण विषय आंता. शहादत ता बल संगेने वर्ग संघर्ष/जनयुद्ध तेज वेण्डे विस्तार अत्ता. नक्सलबाड़ी सशस्त्र कृषि क्रांति ता समय तले दुश्मन हमला किन मुकाबला कियनाद शुरू अत्ता. दुश्मन ता खिलाफ ताकना व्यवहार सैद्धांतिक सूत्रीकरण वेण्डे वैचारिक स्पष्टता लक्ष्य ता प्रति समर्पण भावना आल्केने जीवा हियना चेतना किन विकसित कित्ता. इदे चेतना संगे लैस आसि लेय्या-लेय्योर पार्टी ता नेतृत्व ते इद देश ता क्रांति मैदे अपुना नेतुर तुन पोंगी किया मुंतोर. दुश्मन ता खिलाफ ते ताकना संघर्ष लोपा उचुक मलका मावा पार्टी अस्थायी हार तुन जरूर सामना कित्ता मति अदु बेस्केने संघर्ष ता लाल झंडा ता आन, बान, शान तुन बेदे वायला हीवाल. हार तल सबक एतसोरे शहीदीरा कुरबानींग ओरा स्फूर्ति तुन पोयसि मुन्ने अंजोर मंताल. मनाल महान नक्सलबाड़ी ता वारिस लोम/लोरोम. अदिना प्रेरणा तल बनेमत्ता रेण्ड धारांग - भाकपा (मा-ले) (पीपुल्सवार) आल्केने एमसीसीआई ता ओण्ड महाप्रवाह लोपा कलियसी बनेमत्ता पार्टी, मनवा पार्टी भाकपा (माओवादी) हजारों शहीदीरा अमूल्य कुरबानींग ना संगे भारत ता नवजनवादी क्रांति ता नेतृत्व कियामुंता. मनवा देश लोपा नव जनवादी क्रांति, समाजवाद आखिरी ते साम्यवाद किन निल्पी कियना लक्ष्य संगे भविष्य ता जीत ता प्रति आशा, आकांक्षा मैदे शहीदीर अपुना जीवा तुन पोहतोर.

शहीदी सप्ताह ता इद संदर्भ ते तेलंगाना ता इंद्रवेल्ली किन वेण्डे याद कियकाल. तेलंगाना ता अदिलाबाद जिला ता इंद्रवेल्ली ते आदिवासीरा आम सभा पोर्ी पाशविक गोलीकांड/नरसंहार ताकी कित्तोर, इद साल ते 40 वर्षा पूरा अत्ता. इंद्रवेल्ली नरसंहार ओण्ड सेप्पा आदिवासीरा प्रति शोषक-शासक वर्गता क्रूरता, अमानवीयता ता संकेत बनेमत्ता दूसरा सेप्पा अदु आदिवासीरा हक ता लड़ाई ता प्रतीक बनेमत्ता. जल-जंगल-जमीन इज्जत-अधिकार मैदे

आदिवासीरा आंदोलनक वेण्डे आंदोलनरत आदिवासीर किन हौवकना सिलसिला नेण्ड वेण्डे ताकसोरे मंता. इदेना ताजा उदाहरण, दण्डकारण्य ता बस्तर ता सिलंगेर कैंप विरोधी आदिवासी आंदोलन वेण्डे ताना पोर्रो 17 मई ते ताकता गोलीकांड ते कुल 5 जन साधारण आदिवासीर डोलतोर वेरा लोपा 14 साल ता नाबालिग (सुडला) पेकाल मंतोर. इव सब्बे नरसंहार कुने जीवा हित्ता जनता किन वेण्डे इद संदर्भ ते सुरता कियकाल.

अत्ता सालमेंड लोपा देशमेंड ते मनवा पार्टी, पीएलजीए, जन निर्माणक ना पूरा 160 कामरेड्स शहीद अत्तोर. वेरा लोपा बिहार-झारखंड ते 11, दंडकारण्य ते 101, ओडिशा ते 14, महाराष्ट्र-मध्यप्रदेश-छत्तीसगढ़ (एमएमसी) ते 8, आंध्र-ओडिशा बार्डर क्षेत्र ते 11, पश्चिम घाटी ते 1, तेलंगाना ते 14 कामरेड्स शहीद अत्तोर. वेरा लोपा महिला कामरेड्स ना संख्या 30 मंता. शहीद कामरेड्स लोपा वरोर केंद्रीय कमेटी सदस्य, तेलंगाना एसजडसी सचिव, कामरेड यापा नारायणा (हरिभूषण, लखमु), वरोर एसजडसी सदस्य कामरेड पवन (दंडकारण्य); 10 डीवीसी/सीवायपीसी सदस्य - कामरेड संतोष यादव (अलोक, जोनल कमांडर-बीजे), कामरेड आत्रम सुरेश (अजित, सेंट्रल इंस्ट्रक्टर), कामरेड मनीराम वेडदा (सोमजी, डिवीजनल कमांडर इन चीफ, डीके), कामरेड हीरासिंह कुम्मेटी (वर्गेश, डीवीसीएम-डीके), कामरेड रूकनी (निर्मला, डीवीसीएम-घुमसर एरिया प्रभारी, ओएस), कामरेड रविंद्र (डीवीसीएम, ओएस), कामरेड शोभराय (डीवीसीएम, दक्षिण सबजोन कम्युनिकेशन टीम प्रभारी-डीके), कामरेड संदे गंगन्ना (अशोक डीवीसीएम-एओबी), कामरेड माडवी मुकेश (रणदेव, डीवीसीएम-एओबी); 37 एसी/पीपीसी सदस्य; 35 पार्टी सदस्य; 11 पीएलजीए सदस्य; 20 जन निर्माणकना, मिलिशिया कमांडर-सदस्यलोर, आरपीसी अध्यक्ष वेण्डे सदस्य - नेतालोर कार्यकर्तालोर; 15 क्रांति ता हमदर्द लोर वेण्डे क्रांतिकारी जनता शामिल मंतोर. 27 जन कामरेड्स ना विवरण दोरकी कियना मंता. वेरे अयवा देशमेंड ते 20 जनवादी, प्रगतिशील जन संगठनकुना नेतालोर, कार्यकर्तालोर, क्रांतिकारी आंदोलन तुन समर्थन हियानोर, हमदर्दलोर आल्केने जोकातोर वेण्डे जीवा विडस्तोर. वेरा लोपा 95 कामरेड्स दुश्मन ता हमलांग ने आल्केने पीएलजीए कित्ता हमलांग ना समय ते दुश्मन ना संगे आमने-सामने वीरोचित ढंग ते लडेमासोरे जीवा हित्तोर. झूठी मुठभेडकने 42 कामरेड्स, दुर्घटनांग ने 5, बीमारी कारण ते 13 कामरेड्स शहीद अत्तोर.

केंद्रीय कमेटी सदस्य, तेलंगाना राज्य कमेटी सचिव, कामरेड यापा नारायणा (लखमु, हरिभूषण) 21 जून 2021 नरकुम 9 बजे कोरोना बीमार आसि गुण्डे रोमी जीवा विस्तोर. नेटा महबूबाबाद जिला (मुन्ने वारंगल जिला ते मत्ता)

ता गंगारम मंडल, माडागुडेम नाटेने 1960 दशक आखिरी ते ओण्ड आदिवासी किसाना परिवार लोपा पुटतोर. कॉलेज पढाई करियना मैदे जिला सेंटर तगा अंजि क्रांतिकारी राजनीति वेण्डे करियतोर. ताना पया आईटीडीए नौकरी कीसोरे कामरेड नारायणा वारंगल जिला ता क्रांतिकारी छात्र आंदोलन, सामंतवादी विरोधी संघर्षकुना प्रेरणा पोयसि महबुबाबाद इलाका ते दक्षिण पंथी "प्रजा पंथा" जनविरोधी नीति ना खिलाफ माओवादी राजनीति संगे गठिंग मंजी मिलेमत्तोर. आल्केने 1988 ते नौकरी विडसी पेशेवर क्रांतिकारी बनेमासि 1990 एवना रॉडिकल युवा संगठन ते काम कीसोर मत्तोर. 1990 ते पार्टी निर्णय अनुसार गेरिल्ला दलम ते शामिल अत्तोर. 1992 तिना 1998 एवना पांडव दलम कमांडर लेक्का जिम्मेदारी निभा कित्तोर. 1992 ते जरगता मिल्टरी ट्रेनिंग कॅंप लोपा छात्र हिसाब ते शामिल अत्तोर. 1995 ते जरगता उत्तर तेलंगाना पहली अधिवेशन ते प्रतिनिधि लेक्का शामिल अत्तोर. अद समय ते ओरू एरिया कमेटी सचिव मत्तोर. 1996 ते डीवीसी स्तर ते प्रमोशन अत्तोर. 1998 आखिरी ते प्लाटून कमांडर जिम्मेदारी निभा पोयतोर. जनताना विश्वास जीडता आर्गनाईजरे आयवा साहसिक कमांडर लेक्का विकास अत्तोर. कामरेड लखमु पेदिदर ते 2000 तिना 2005 एवना केंद्रीय कमेटी बना कित्ता सुरक्षा प्लाटून कमांडर हिसाब ते जिम्मेदारी नल्ला निभा कित्तोर. अद जिम्मेदारी लोपा ज्यादा विश्वास कियना कामरेड कुशलता हासिल कित्ता कमांडर बनेमत्तोर. इदे मौका ते सेंट्रल इंस्ट्रुक्टर टीम सदस्य वेण्डे बनेमत्तोर. 2005 आखरी ते तेलंगाना राज्य कमेटी सदस्य आसि वेण्डे तेलंगाना ते बदली अत्तोर. 2018 ते जरगता सीसी ता 6वीं बैठक लोपा ओनकिन केंद्रीय कमेटी ते को-आप्ट कित्ताद मंता. 2007 ते जरगता तेलंगाना स्पेशल जोनल महासभा ते तेलंगाना आंदोलन किन पुनर विकास कियना मैदे एतता कर्तव्य किन अमल कियना मैदे कामरेड लखमु आखरी दम एवना रोमवा लेवा काम कित्तोर. अलग तेलंगाना राज्य आंदोलन ता दूसरी ऊसा ता फायदा एतसोरे जनवादी तेलंगाना हासिल कियना कर्तव्य किन पार्टी मुन्ने, जनआंदोलन मुन्ने तासना लोपा अद दिशा ते क्रांतिकारी जनसंगठन किन संयुक्त कार्रवाई मार्गदर्शन ईयनगा मुन्ने उत्तर तेलंगाना राज्य कमेटी सदस्य पया तेलंगाना राज्य कमेटी सचिव हिसाब ते तना योगदान इत्तोर. 2 जून 2014 ते भौगोलिक तेलंगाना जीडतास्के इद जनताना जीत इंजि केचोरे जनवादी तेलंगाना हासिल कियना दिशा ते वेण्डे पहलकदमी, दृढसंकल्प संगे काम कियना जरूरत मंता इंजि राज्य कमेटी चिन्हित कित्ता. ताना मैदे एतता कर्तव्य किन सफल कियना मैदे कोशिश कित्ता. 2015 तिना आखरी दम एवना कामरेड लखमु अदे काम लोपा मत्तोर. अलग राज्य हासिल कियनास्के दोरकता सफलता किन संगठित

कीसोरे जनसंगठनक लोपा विकास अत्ता कार्यकर्तालोरकिन पार्टी लोपा संगठित कीसि गुप्त पार्टी तुन निर्माण कियना काम लोपा, क्रांतिकारी आंदोलन लोपा पूना कैंडर किन भर्ती कियना मैदे ओरू ज्यादा मेहनत कित्तोर. इद भर्ती तिना सेलेक्ट कित्ता कामरेड्स किन पार्टी ता दूसरा जरूरत मैदे लोहचितोर. इदे लाईन ते 2020 ता आखरी ते तेलंगाना आंदोलन सेटबैक (पेरके गुच्चना तिंची) तिंची बैयदे वायना स्थिति लोपा एवता इंजि केंद्रीय कमेटी 6वीं बैठक लोपा आकलन कित्तोर.

तेलंगाना राज्य कमेटी कामरेड लखमु नेतृत्व लोपा दण्डकारण्य आंदोलन ता राजनीतिक, प्रचार, अलग-अलग रकम ता सामग्री एव्वी कित्तोर. संगेने बेचोनो तरीका ता मदत इत्तोर. सीसी ता 6वीं बैठक ते फायनल कित्ता सीसी पीओआर संगेने अलग-अलग पार्टी दस्तावेजकुना पोर्से जरगता चर्चांग लोपा कामरेड लखमु ना सक्रिय भागीदारी मंता. ओरू जनता किन नल्ला जीवा कीसि गुल-मिल आयनोर. हमेशा अध्ययन कियनोर. ओरू टेक्निक मंदना नलुता सैनिक जनरल मत्तोर. 30 सालकना ज्यादा क्रांतिकारी अनुभव मत्ता युवा नेतृत्व हिसाब ते विकास अत्ता कामरेड लखमु ना शहादत भारत क्रांतिकारी आंदोलन किन तुरंत निहता परवा नुकसान जरगता.

कामरेड पवन डीके एसजडसीएम, पश्चिम सब जोनल ब्यूरो सदस्य, उत्तर गढ़चिरोली डिवीजन ता सचिव जिम्मेदारी निभा कीसोरे दुश्मन ता ओण्ड बिड़िया हमला तुन माकूल जवाब हीसोरे अपुना साथी लोरकिन बचा कियला आखरी दम तक लड़मासोरे शहीद अत्तोर. अत्ता 23 सालकना दण्डकारण्य ता क्रांतिकारी आंदोलन लोपा कामरेड पवन ना महत्वपूर्ण योगदान मंता. पश्चिम सब जोन ता गढ़चिरोली आंदोलन ता हर मोड़ ता संगे ओना जीवन घुलमिल आसि मंता. मुन्ने दक्षिण गढ़चिरोली डिवीजन सचिव ता जिम्मेदारी वेण्डे निभा कित्तोर. ओण्ड साधारण आदिवासी परिवार ते पुटता कामरेड पवन 2015 ते ताकता दण्डकारण्य स्पेशल जोन चौथा अधिवेशन ता दूसरा प्लीनम ते डीके एसजडसी ता वैकल्पिक सदस्य लेक्का चुनेमत्तोर वेण्डे 2017 ते एसजडसी सदस्य बनेमत्तोर.

अत्ता सालमेंड लोपा देश ता अलग-अलग स्पेशल जोनक/स्पेशल एरियांग/राज्यांग ने कई प्रकार ता नुकसानक ताकता. इव शहादत किन विश्लेषण-संश्लेषण कीसि मनाल आवश्यक सबक एती अविन सख्ती ते अमल कीसोरे अनावश्यक नुकसान तिंची बचेमायना. बारंक इत्तके मनाल ओण्ड शक्तिशाली दुश्मन संगे लड़ेमायमंतोम. अदेन मैदे मनाल मनवा कम मंदना शक्ति

किन परताचोन बचा कीसोरे, शक्ति तुन पेरसी कीसोरे, दुश्मन ना शक्तिंग किन अलग-अलग कीसि सफाया कीसोरे मुन्ने दायना जरूरत मंता.

दुश्मन ता प्रतिक्रांतिकारी 'समाधान' हमला किन मुकाबला कियनीक मनाल मनवा रणनीतिक इलाका ने कार्यनीतिक प्रत्याक्रमण अभियानकु वेण्डे प्रतिरोध कार्यक्रम किन संचालित कित्ताल इवेन सफल कियना क्रम लोपा कई कामरेड्स शहीद अत्तोर. वेर कामरेड्स लोर साहसिक, वीरोचित ढंग ते दुश्मन बलकुना संगे लडेमासोरे अपुना जीवा विडस्तोर ओरगडल मनाल करियना जरूरत मंता. ओरा बलिदान ता संगेने मनाल जनयुद्ध लोपा नरगे सफलतांग हासिल कित्ताल. दुश्मन ना हमला किन बहादूरी संगे मुकाबला कीसोरे अत्ता साल मेंड लोपा मनवा कई कामरेड्स अपुना जीवा तुन बलिदान कित्तोर. दण्डकारण्य ता जीरागुडा ते 3 अप्रैल, 2021 ते दुश्मन बलकु समाधान-प्रहार हमला ना तहत ते 756 मुल संख्या ते मनवा छापामार आधार इलाका ते नेंगी मत्तोर. ओरा पोर्से ओण्ड बिड़िया जबर्दस्त धक्का हियनीक मनवा पीएलजीए ता चार जांबाज योद्दालोरा शहादत महत्वपूर्ण मंता. बिहार-झारखंड ते वेण्डे दुश्मन संगे ताकता मुठभेड़कने मनाकिन नुकसान जरगता. ईसुंता हमला ना समय ते मनवा बलकु कंबाट स्किल्स वेण्डे तकनीक किन कुशलतापूर्वक ते इस्तेमाल कीसोरे नुकसान तुन परतचोन कम कियना.

दुश्मन आधुनिक तकनीक वेण्डे मुखबिरी सूचना पोर्से आधारसि हमला कियना कारण ते मनाल उच्चवूर महत्वपूर्ण कामरेड्स किन पोहताल वेरा लोपा दण्डकारण्य स्पेशल जोनल कमेटी सदस्य कामरेड पवन ना शहादत. पूना रेडियो तत्ता वेहतास्के जीपीएस ट्रेकर वाटी मंजि अदिना संगे मनवा कामरेड्स ना लोकेशन दोरकी कीसि बिड़िया हमला किन अंजाम हित्तोर. दुश्मन अपना प्रतिक्रांतिकारी समाधान बहुआयामी हमलांग ना तहत कई धोखाबाजीपूर्ण तरीका किन अपना कियामुंता. मनवा आपूर्ति व्यवस्था ते नेंगी इलेक्ट्रॉनिक आल्केने इलेक्ट्रिकल वस्तुंग कंप्यूटर्स, प्रिंटर्स, रेडियोज, पॉवर बैंक, सोलार प्लेट, वॉकी-टॉकी लेहकटा सामान ते जीपीएस ट्रैकर्स वाटी लोहता मंतोर. इवेना विषय ते मनाल नरगे सतर्कता संगे मंजोरे नुकसान तिंची बचेमायना.

जीरागुडा हमला ता पेरके डिजिटल सर्वेलेस किना तहत ड्रोन ता निगरानी संगे मनवा लोकेशन दोरकी कीसि 19 अप्रैल ते दुश्मन अद लोकेशन पोर्से ड्रोन संगे बमबारी कित्तोर. मति ईकाड़ तेने डेरा खाली कित्ता कारण ते मनाकिन बाता नुकसान आयो. भारत ता क्रांतिकारी आंदोलन ता इतिहास लोपा इदु पहला हवाई हमला आंता. इद हवाई बमबारी ओण्ड शुरुआत लेहका मिंदे. इंजे दुश्मन इव हमला किन इंका तेज कींता. अदेन मैदे हवाई हमला तिंची

बचेमायला वेण्डे अव हमला किन विफल कियला एअर डिफेंस—अफेंस दांव—पेंच, ड्रिल्स प्रैक्टिस कीसोरे अविना पोर्रो कुशलता तुन हासिल कियना.

अत्ता उच्चुक समय ते दुश्मन मनवा आपूर्ति व्यवस्था ते संध कीसोरे रक—रकाम ता खाद्य पदार्थ कुने विषाक्त बना कीसि लोहता मैदे पूरा कोशिश कियामुंतोर. ईसुंता विषाक्त खाद्य पदार्थ किन तित्ता कारण ते तेलंगाना ता उच्चुवूर कामरेड्स बीमार अत्तोर मति पार्टी, पीएलजीए ता कतारकना डॉक्टरलोरा देखरेख संगे नल्ला अत्तोर. वरोर कामरेड विजेंदर शहीद अत्तोर. मनाल मनवा तिंदना—उंडना ते आवश्यकता/जरूरत ता मैदे जनता पोर्रोने ज्यादा निर्भर आयना वेण्डे मनाकिन नुकसान एव्वी कियना बेदे मौका तुन दुश्मन किन हियानयो. जनता तल अलग आयना लेकड़ा बाहर ता खाद्य पदार्थ (तिंदना पदार्थ) किन तत्ता वेहतना आयो. संगेने मनवा आपूर्ति व्यवस्था लोपा दुश्मन नेंगा परवा लेक्का मजबूत कियना.

दण्डकारण्य ता ओण्ड प्लाटून कमांडर कामरेड गंगाल, डीवीसीएम कामरेड शोभराय किन गंभीर रूप ते अस्वस्थ हालत ते इलाज मैदे तेलंगाना ता वारंगल शहर लोहतास्के ओरकिन पोयसि ओर कोरोना अत्तोर इंजि झूठा प्रचार कीसोरे अस्पताल ते भर्ती कियना नाटक वाटोरे तेलंगाना पुलिस तोर ओरकिन निर्मम तरीका ते हत्या कित्तोर.

बूबीट्राप, रिमोट, माइन हमलांग किन अंजाम हियना समय ते तकनीकी नियम किन सख्ती ते, लापरवाही कीवा सही पालन कीसोरे मनाल दुर्घटना ने आयना नुकसान तिंची बचेमायना. इद साल ता नुकसान ते मनाल दंडकारण्य लोपा वरोर कामरेड सोमजी (उत्तर बस्तर डीवीसीएम) किन पोहताल. कामरेड्स!

नेंड मनवा देश लोपा क्रांतिकारी आंदोलन किन मुन्ने ओयना मैदे ओण्ड सेप्पा अंतर्राष्ट्रीय, देशीय परिस्थितिग नरगे अनुकूल मंता दूसरा सेप्पा शोषक—शासक वर्ग अपुना निर्मम शोषण — शासन किन जारी तासना मैदे भीषण दमन ता प्रयोग कियामुंतोर.

साम्राज्यवादी आर्थिक, वित्तीय संकट ता अभूतपूर्व ढंग ते नेंगना कारण ते दुनिया ता प्रमुख अंतरविरोध दिनाल—दिनाल पेरसा मुंता. साम्राज्यवादीरा फायदा मैदे रक—रकाम तरीका ते कियना उत्पादन तिना पर्यावरण नुकसान आसि पुटता विकराल रूप धारण कित्ता कोविड—19 कोरोना महामारी वेण्डे अदिना रोका कियना (रोकथाम) मैदे दुनिया मेंड ते अमल ते तत्ता लॉकडाउन कारण ते आम जनता ना जीवन दूभर अत्ता. कोविड ता दूसरा चरण ता प्रकोप ते भारत संगेने दुनिया मेंड लोपा लाखों मानेय ना अपना जीवांग दाया मुंता.

कोविड किन नियंत्रण कियना मैदे कियना वेक्सिनेशन वेण्डे स्वास्थ्य सुरक्षा कार्यक्रम किन वेण्डे ज्यादा मुनाफा कमा कियना हिसाब तेने संचालित कियामुंतोर. संकट तल वत्ता परिस्थिति तिंची तिप्पाल आयना मजदूर, किसान वेण्डे मध्य वर्ग तोर मुन्नेटा हिसाब ते उड़तके इंजे नरगे संख्या ते रोड़ पोर्रो वासि संघर्ष किन तेज कियामुंतोर. फासीवाद, नस्लवाद ता अमानवीय तरीका किन अपना कीसि साम्राज्यवादीर इव संघर्ष किन दबा कियना नाकाम कोशिश कियामुंतोर अदिना नतिजा ता स्वरूप जन आंदोलन ईका तेज, व्यापक आसोर मंता. अत्ता साल ते अमेरिका लोपा ताकता अध्यक्षीय चुनाव लोपा अमेरिका साम्राज्यवाद ता फासीवासी-नस्लवादी चरित्र ता प्रतीक बनेमत्ता डोनाल्ड ट्रंप हारेमत्तोर. इदेन अमेरिकी उत्पीड़ित जनता ना नस्लवाद ता विरोध लेक्का उड़नांता.

मनवा देश लोपा ब्राह्मणीय हिंदुत्व फासीवादी संघ परिवार ता भाजपा बेस्केटल मोदी ना नेतृत्व ते केंद्र लोपा सत्ता ते वात्ता अगडल अदु ओण्ड सेप्पा भारत किन हिंदु राष्ट्र बना कियना एजेंडा तुन कदम-कदम ते मुन्ने ओयनीक कोशिश कियामुता दूसरा सेप्पा मनवा जीवता भारत ता प्राकृतिक संपदा किन, संसाधन वेण्डे सार्वजनिक संपति किन कमे भाव ते बहुराष्ट्रीय कंपनींग आल्केने देश ता दलाल नौकरशाही पूंजीपतिर – अंबानी, अदानीर किन साँपा कियनीक परतचोन कोशिश कियामुंता. दूसरा मल्का सत्ता ते वात्ता पेरके ओना आक्रामकता ज्यादा पेरसता. अपुना एजेंडा ते हिंदु राष्ट्र किन मोदी पूना भारत ता पेदिदर हित्तोर. असल विषय बाता इत्के मनवा देश लोपा आरएसएस संस्था/संगठन गठन आसि 2025 ते 100 साल निंडामुंता. अदेनके मोदी हिंदुत्व फासीवादी भारत तुन निर्माण कियना सपना 2025 एवना पूरा कियनीक आल्समुंतोर. भारत ता उत्पीड़ित जनता मोदी ना इद सपना किन बेस्के वेण्ड सफल आयला हीवो. अत्ता सालमेंड लोपा मोदी आत्मनिर्भर भारत ता गिस्सीड तुन अडम (परदा) तासी ईसुंता कई रकम ता निर्णयकु एती देश लोपा पेदिदर तुके मंदना मंदना संप्रभुता तुन वेण्डे पूरा मायी कित्तोर.

कोराना ता दूसरा चक्र ता प्रकोप किन वेण्डे भाजपा सरकार लॉकडाउन संगे रोमि कियनीक आल्सा मुंता. इदेन कारण ते करोडों जनता बेरोजगार अत्तोर. देश ता जीडीपी लोपा नकारात्मक वृद्धि रोमवा लेवा पेरसा मुंता. सुडला दुकानदारीर, व्यापारीर, पूंजीपतिर किन नुकसान अत्ता. आत्मनिर्भरता पेदिदर ते अत्ता दिसंबर एवना वैश्विक आटुम तल वेक्सीन तुन असवांक देश लोपा तैयार कित्ता वेक्सीन किन विश्व गुरु ना पेदिदर ते दूसरा देश किन उपलब्ध कियना कूटनीति संगे कोविड रोकथाम मैदे ताकना वेक्सिनेशन कार्यक्रम पूरा प्रभावित

अत्ता. इद साम्राज्यवादी पुटिट कित्ता संकट तुन वेण्डे 'मौका' लेक्का बदली कीसोरे मोदी देश-विदेश ता कॉरपोरेट डोंगालोर किन ईका वेण्डे पैसा जमा कियना मैदे 20 लाख करोड़ रुपए ता पैकेज घोषित कित्ता. इविनगडल साधारण मानेय/जनता किन दोरकानेद बाताय हिल्ले.

देश लोपा तिंदना सामान मैदे वेण्डे दूससरा देश किन तालकना लेक्का कीसोरे देश ते मंदना खेती कियना जमीन, उत्पादन (पंटा टेंडना) वेण्डे वम्मना-अस्सना पोर्रा कॉरपोरेट डोंगालोरा कंट्रोल तत्तना मैदे मोदी किसान विरोधी, देशद्रोही मूण्ड कृषि कानून किन अमल ते तत्तोर. इवेना विरोध ते अत्ता 6 महीना तिना मिलिटेंट व्यापक, जुझारू किसान आंदोलन ताकामुंता. किसान लोर दिल्ली तुन नालू सेप्पा घेराव कीसि उददतोर. ओरकिन दिल्ली लोपा नेंगा हीवा केंद्र सरकार नरगे बिड़िया सुरक्षा घेरा तुन निर्माण कित्ता. ईसुंताद दूसरा देशकना नडमा मंदना अंधि तगा वेण्डे तोंदो. इद आंदोलन समय ते इंजे एवना 300 तुक ज्यादा किसान लोरा जीवांग अत्ता.

हिंदुत्व फासीवादी भारत ता सपना तुन साकार कियना उदेश्य ते भारत ता सामाजिक-आर्थिक व्यवस्था ता ऊपरी ढांचा किन प्रभावित कियना मैदे निजीकरण-कॉरपोरेटीकरण, भगवाकरण वेण्डे केंद्रीकरण इव मूणडीन कल्पी मोदी सरकार संसद लोपा पेश कीवाये राष्ट्रीय शिक्षा नीति तुन कैबिनेट मंजूरी संगे उबय-उबय अमल ते तत्तोर. इद शिक्षा नीति किन अमल ते तत्तके देश ता गरीब आदिवासी, दलित, मुसलमान अल्पसंख्यक आल्केने पिछड़ा वर्ग ता लेय्या-लेय्योर शिक्षा खासकर उच्च शिक्षा तल दूराम आंतोर. मति मुन्नेट वेण्डे देशमेंड ते मंदना लाखों प्राथमिक स्कूल-शाला किन बंद कीसि अविना जागा ते उच्चुक हजार स्कूल कांप्लेक्स बना कित्तोर. आल्केने दसियों हजार रेग्यूलर गुरुजीरा (शिक्षकलोरा) पद हमेशा मैदे खत्म कित्तोर/कियामुंतोर. इद प्रक्रिया ईका वेण्डे तेज कियनोर.

केंद्र सरकार कॉरपोरेट वर्गकिना फायदा मैदे देश ता मजदूरीर किन फायदा एव्वी कियना मैदे मत्ता 40 श्रम कानून किन 4 कोड इंजि बदली कित्तोर. इदेना कारण ते लाखों संख्या ते नेण्ड मंदना असंगठित मजदूरलोर ठेका श्रमिक, दैनिक वेतनभोगी, दिहाड़ी मजदूरलोर (दिनाले काम कियनोर) लेक्का किया परवा तिप्पाल तुन सामना किया मुंतोर.

देश लोपा ज्यादा काम ते वायना कोयला (हिरकी) किन प्रायवेट तोरा कैंदे (निजीकरण) हियना मैदे केंद्र सरकार कोल ब्लॉक आवंटन नीति अमल ते तत्ता. इद कारण ते देश ते मंदना जनता किन कॉरपोरेट कंपनी तोर इत्केने बिजली दोरकना परिस्थिति वत्ता.

भाजपा ता भगवा ताकतकु अयोद्या लोपा बाबरी मस्जिद किन ध्वस्त कीसि जाना जागा ते राम मंदिर ता शिलान्यास (उद्घटन) कियना इंजि वेण्डे हिंदुत्व एजेडा ते मंता. मोदी बना कित्ता नागरिकता संशोधन कानून-सीएए, प्रस्तावित एनआरसी वेण्डे एनपीआर ता विरोध ते देश मेंड जबर्दस्त संघर्ष जरगता/ताकता. पुलिस तोरा सुरक्षा, मदत पोयसी भगवा गुण्डालोर मुसलमान महिलांग ना शानदार शाहीनबाग आंदोलन पोरो हमला कीसि 53 मुल किन औवकतोर. इदिन पेरके देशमेंड ता मुसलमान जनता लोपा अलम/होंग फैलेमत्ता.

इद नडमा अत्ता पांच राज्यकुना चुनाव लोप्पा बंगाल वेण्डे केरल ते मोदी ना पार्टी हारेमत्ता. असल ते सब्बे संसदीय पार्टीग कॉरपोरेट फायदा मैदेने काम कीता. मति विपक्ष हिल्वा भारत तुन निर्माण कियना मोदीना सपना तुन इद चुनवा ते जनता जवाब हित्ता. भगवा ताकत तुन इंका वेण्डे मजबूत, विस्तार कियना मोदी ना हरर्दुन जनता कोय्ये अडम वाटता लेक्का इद चुनाव तुन समझेमायना.

बिड़िया जाति इंजि केत्तानोरा सत्ता तुन निल्पी कीसि तासना मैदेने गोरक्षा लेकुता बेचोको बहाना बना कीसि देश ता वेल्लेय राज्य लोपा भगवा गुण्डालोर, दलित लोरा पोरो क्रूर हत्याकांड, अत्याचार ताकी किया मुंतोरे. दलित चेतना ता चिहना लेक्का मंदना बीमा-कोरेगाव ता अस्तित्व तुन मिटा कियना मैदे झूठा केस, मामला बना कीसि देश ता प्रगतिशील-जनवादी बुद्धिजीविर, मानवाधिकार कार्यकर्तालोर, वकिलीर, लेखकलोर, कलाकार लोरा पोरो हमला कियना, ओरकिन अरेस्ट कियना अत्ता मूण्ड वर्षा तिना लगातार पेरसा मुंता. आल्केने इंजे तेलंगाना ता जनविरोधी टीआरएस सरकार तानाशाही हिसाब ते 16 जनसंगठकुना पोरो प्रतिबंद वाटतोर. इदेना कारण ते वेण्डे दलितलोर, देश तुन जीवा कियनोर, जनवादिरा संगेने उत्पीडित जनता लोपा होंग पेरसा मुंता.

राष्ट्रीय मुक्ति आंदोलन किन मापना मैदेन कश्मीर जनताना आजादी ता आकांक्षा पोरो गोड्डेल देम्मा/देब्बा हीसोरे संविधान ता धारा-370, 35-ए किन रद्द कित्तोर इदेना कारण ते भारत सरकार पोरो कश्मीरि जनता गाड़ पोयता. साम, दान, दंड, भेद ता तरीका ते पूर्वोत्तर ता राज्यकुना राष्ट्रीय मुक्ति आंदोलन किन दबा कियनोक मोदी सरकार रकम-रकाम तरीका ते कोशिश किया मुंता.

शोषक वर्ग ता सत्ता, लूट किन निल्पी कीसि तासना मैदे मोदी सरकार इद देश ता नवजनवादी क्रांति तुन सफल कीसि नव जनवादी भारत किन निर्माण कियना मैदे वर्ग संघर्ष/जनयुद्ध किन संचालित कियना मनवा पार्टी, टोटल भारत ता क्रांतिकारी आंदोलन किन मापना मकसद संगे मई, 2017 तिंची

प्रतिक्रांतिकारी रणनीतिक दमन योजना 'समाधान' तुन अमल कियामुंतोर. इदिना अनुसार ते मावा संघर्ष इलाकांग लोपा पुलिस, अर्ध-सैनिक बल, कमांडो बल वेण्डे सैन्य बलकुना पूना-पूना कॅंपक वाटोरे कॉरपेट-सेक्युरिटी व्यवस्था किन मजबूत वेण्डे विस्तार कियामुंतोर. इवेना संगे लगातार हमला कियामुंतोर. जनवरी 2020 तिना/तल प्रहार पोर्तोर्य/पेदिदर ते हमला किन तेज कित्तोर. दण्डकारण्य ते नवंबर, 2020 तिना दस दांव-पेंच किना संगे समाधान-प्रहार ता निर्णायक हमला कियामुंतोर. इव समाधान-प्रहार हमलांग देश ता सब्बे वर्ग संघर्ष/जनयुद्ध ता इलाकाने जारी मिंदे/मंता. मनवा आंदोलन ता अलग-अलग क्षेत्र ते अलग-अलग तरीका ते इव हमलांग किन ताकी कियामुंतोर. मति पार्टी, पार्टी ता नेतृत्व ते पीएलजीए वेण्डे जन निर्माण, क्रांतिकारी जनता इव समाधान हमला किन बहादुरी संगे सामना कियामुंता. इविन मुकाबला कियनास्के इंजे एवना मनाल नरगेने मुल ना नेतुर पोहताल. दुश्मन समाधान ता संगे मई 2022 एवना देश ता क्रांतिकारी आंदोलन किन मापीतान इंजि केत्तामुंतोर. इदु बेस्केने आया परवो. भारत ता जनताना मुक्ति मैदे मनाल नेतुर ईयना जरूरत ज्यादये मंता. मति परतचोन कम नुकसानक संगे मनवा लक्ष्य तुन हासिल कियना. हिम्मत, बहादुरी, आत्मविश्वास, लक्ष्य मैदे दृढसंकल्प, पहलकदमी इविना संगे मनाल मुन्नेटक दायना. मना किन दोरकना सब्बे मौका किन नल्ला/बेस इस्तेमाल कीसोरे अलग-अलग संघर्ष इलाका ना ठोस परिस्थिति अनुसार ते सुडला, मध्यम, नल्ला अनुकूल स्थिति ते बिड़िया छापामार कार्रवाईंग कीसोरे जनयुद्ध/गेरिल्ला युद्ध तुन तेज वेण्डे विस्तार कियना. कॉरपेट सुरक्षा व्यवस्था नडमाने मजबूत गुप्त पार्टी तुन निर्माण कीसोर वर्ग संघर्ष किन तेज वेण्डे विस्तार कियना. हीले मनाल दुश्मन ना 'समाधान' तुन गठिंग देब्बा/देम्मा हीसोरे अदिन हरा कियना दिशा ते मुन्ने दायना. 'समाधान' हमला किन मुकाबला कित्ताद मनाकिन अत्ता चार ता अनुभव मंता/मिंदे. दंडकारण्य, झारखंड, आंध्रप्रदेश-ओडिशा ता अंधि इलाका ना जनता पुलिस कॅंपकु, ताना कारण ते जरगना विस्थापन खिलाफ ते अन्नी-मन्नी जीवा इंजि लडेमायमुंता. केंद्र-राज्य सरकारक ना जनविरोधी आर्थिक, औद्योगिक, खदान, श्रम, कृषि, शिक्षा स्वास्थ्य वेण्डे दलित-आदिवासी-मुस्लिम विरोधी नीतिंग ना कारण ते देश ता गुलैय उत्पीड़ि वर्ग ता सामाजिक तबका ना जनता लोपा इव सरकार पोर्तोर अलम/होंग मंता. अदिन मैदे जनता लड़ाई ता हरी पोयता. जन आंदोलन, जनप्रतिरोध, जनयुद्ध संगे मनाल मनवा लक्ष्य किन हासिल किया परदिताल/परिताल.

कॉमरेड्स!

इव सबे अनुकूल अंतर्राष्ट्रीय वेण्डे देशता परिस्थितिंग किन सही इस्तेमाल कियना लेक्का पार्टी, सेना, संयुक्त मोर्चा क्षेत्र ते काम कियना गुलैय कैडर्सलोरा राजनीतिक, वैचारिक, सांगठनिक, सैनिक वेण्डे सांस्कृतिक स्तर तुन विकसित कीसोरे सब्बे उत्पीड़ि वर्ग, विशेष सामाजिक सेक्शन किना जनता किन वर्ग संघर्ष—जनयुद्ध लोपा गोलबंद कियकाल. साम्राज्यवाद विरोधी, दलाल नौकरशाही पूंजीवाद विरोधी, सामंतवाद विरोधी वर्ग संघर्ष किन तेज कियकाल, विस्तार कियकाल. नेण्ड शोषक—शासक वर्ग ता कटपुतली बनेमासि ओरकिन सेवा कियना ब्राह्मणीय हिंदुत्व फासीवादी ताकतकिना खिलाफ ते व्यापक, मिलिटेंट, संगठित जनांदोलन किन निर्माण कियकाल. मोदी ना हिंदुत्व फासीवादी भारत तुन निर्माण कियना सपना तुन विफल कीसोरे कीसोरे नवजनवादी भारत तुन निर्माण कियना दिशा ते मुन्ने डाका/कोज्जी वाटकाल. इदे मनवा जीवता शहीदीरा आशय. शहीदीरा आशय तुन पूरा कियना मैदे आखिरी जीवा मंदना जोम कठिन मेहनत कियना संकल्प एताकाल. अस्केने शहीदीर किन सही श्रद्धांजलि वेहतनाद आंता.

शहीदीरा बलिदान अचोम/आयेने दायला हीवाल!

जन आंदोलन किन वेण्डे जनयुद्ध किन देशमेंड ते तेज, विस्तार कीसोरे दुश्मन ना समाधान—प्रहार हमला किन हरा कियकाल!

जीवता कामरेड्स, जनता!

शहीद स्मृति सप्ताह ता कार्यक्रम:

1. शहीदीर किन एजा कियना दिनाम ता मौका ते नार—नार, सुडला—शहर किने अगता ठोस परिस्थिति तुन पोयसि खुला, गुप्त तरीका ते शहीदीरा एजा ते सुडला, बिड़िया सभांग किन ताकी कीसि सीसी संदेश तुन जनता नगा एवसी कियना. शहीदीरा परिवार किन इव सभा ने करंगना आल्केने ओरकिन मंच पोरो उद्दी कीसि सभा ते वत्ता जनता किन परिचय कियना ओरा संगे परतचोन भाषण हिया वेहतना.
2. शहीदीरा परिवार तोरकिन मदत हिसाब ते वेहसोरे, शहीदीरा जीवनी, फोटो आल्केने ओरकिन एता ता चिन्ह तुन एव्वी/एवसी कियना. ओरा सुख, दुख लोपा शामिल आसोरे अलग—अलग तरीका ते ओरकिन मदत एव्वी/एवसी कियना. शहीदीरा प्रेरणा पोयसि क्रांतिकारी आंदोलन लोपा गटिंग निच्ची मंदना शिक्षा तुन एव्वी कियना.

3. स्पेशल जोन/राज्य/स्पेशल एरियावार, डिवीजन/जिला/जोनवार ता सब्बे इलाकाने वेण्डे शहीदीरा जीवनी बारे ते पुस्तक छपा कियना. शहीदीरा बलिदान, आदर्शकु, ओरा नेल्लुता आदत कुन पोर्से तेहसी पर्चा, पोस्टर, ब्राउचर, बैनर, कविता, कहानी नाटक बना कीसि/छापा कीसि व्यापक रूप ते जनता एवना प्रचार कियना. दीना मैदे प्रिंट इलेक्ट्रानिक इंका सोशल मीडिया किन वेण्डे सावधानी संगे इस्तेमाल कियना. जगह-जगह स्तूपाम/स्मारक निर्माण कीसि उदघटन कियना.
4. क्रांतिकारी सांस्कृतिक संगठन कुना संगे शहीदीरा जीवनी, ओरा बलिदान पोर्से अलग-अलग कला रूप – पाटा-डाका, सामूहिक पाटा-डाका, नृत्य, नाटकु तैयार कीसि प्रत्यक्ष रूप ते प्रदर्शन ईयना. इदे आयवा डिजिटल माध्यम तुन वेण्डे उपयोग कियना.

इलाका विशेष/ठोस परिस्थिति तुन नजर ते तासी पोर्सेता कार्यक्रम तुन अमल ते तत्तना. मावा जीवाता शहीदीरा उच्चस्तर ता बलिदान ता प्रेरणा पोयसि दुश्मन ना समाधान-प्रहार हमलांग किन हरा कियना मैदे जनता किन राजनीतिक रूप ते तैयार कियना अभियान हिसाब ते शहीद स्मृति सप्ताह तुन मानेमायकाल.

नामा:

- ★ मावा मार्टी ता संस्थापक नेता इंका शिक्षक कामरेड्स चारु मजुमदार वेण्डे कामरेड कन्हाई चटर्जी कुन लाल सलाम – लाल सलाम्!
- ★ सब्बे शहीद योद्धा लोर किन लाल सलाम् – लाल सलाम्!
- ★ शहीद लोरा आशय तुन पूरा कियकाल – पूरा कियकाल!
- ★ शहीदीरा बलिदान कुन पोर्से तेहची पोयतकाल – तेहची पोयतकाल!
- ★ प्रतिक्रांतिकारी रणनीतिक दमन योजना 'समाधान' किन हरा कियकाल – हरा कियकाल!
- ★ समाधान-प्रहार हमला किन हरा कियकाल – हरा कियकाल!
- ★ दंडकारण्य ते ड्रोन हमला तुन विरोध कियकाल – विरोध कियकाल!
- ★ दंडकारण्य ता भूमि ते भारतीय सेना किन डिपना तुन बंद कीमूट-बंद कीमूट!

- ★ सक्रिय गेरिल्ला युद्ध नियम किन कड़के पालन कियकाल – पालन कियकाल!
- ★ अनावश्यक (जरूरत लेवा) नुकसान किन कम कियकाल – कम कियकाल!
- ★ दंडकारण्य, बिहार–झारखंड, पूर्वी बिहार–पूर्वोत्तर झारखंड तुन आधार इलाका बना कियना लक्ष्य संगे काम कियकाल – काम कियकाल!
- ★ साम्राज्यवाद विरोधी, दलाल नौकरशाही पूंजीवाद विरोधी, सामंतवाद विरोधी वर्ग संघर्ष किन विस्तार कियकाल – विस्तार कियकाल!
- ★ गुरिल्ला युद्ध/जनयुद्ध किन तेज कियकाल – तेज कियकाल!
- ★ गुरिल्ला युद्ध/जनयुद्ध किन विस्तार कियकाल – विस्तार कियकाल!
- ★ ब्राह्मणीय हिंदुत्व फासीवाद तुन हरा कियकाल – हरा कियकाल!
- ★ विश्व समाजवादी क्रांति जिंदाबाद – जिंदाबाद!
- ★ साम्राज्यवाद, दलाल नौकरशाही पूंजीवाद वेण्डे सामंतवाद मुर्दाबाद–मुर्दाबाद!
- ★ भारत ता कम्युनिस्ट पार्टी (माओवादी) जिंदाबाद – जिंदाबाद!
- ★ मार्क्सवाद–लेनिनवाद–माओवाद जिंदाबाद – जिंदाबाद!

23 जून, 2021

केंद्रीय कमेटी,
भारत की कम्युनिस्ट पार्टी (माओवादी)

★